



BAHASIRZAL memantau anak ikan yang mati akibat cuaca panas melampau. - Gambar NSTP/ROSELAN AB MALEK

Oleh Roselan Ab Malek
am@hmetro.com.my

Patin mati air panas

HM 08/05/24 M/S 19

Pengusaha ternakan ikan rugi besar akibat fenomena El Nino

Jerantut

Fenomena El Nino yang melanda sejak lebih sebulan lalu menyebabkan berpuluh ribu ekor anak ikan patin ditenak di dalam sangkar mati mengejut.

Akibatnya ramai pengusaha ternakan ikan patin di daerah ini mengalami kerugian besar susulan cuaca panas melampau.

Keadaan ini turut mengakibatkan paras air di Sungai Pahang surut malah ada setengah lokasi menjadi kering kontang.

Seorang pengusaha ternakan ikan patin sangkar

di Kampung Lada di sini, Bahasirzal Abu Bakar, 44, berkata, lebih 2,000 ekor anak ikan patin berusia dua bulan yang ditenaknya mati.

"Saya mempunyai 51 sangkar, ikan tetapi hanya mengisi sembilan sangkar sahaja digunakan untuk menternak ikan patin,

"Setiap sangkar diisi kira-kira 1,000 hingga ke 1,500 anak ikan patin. Namun tidak semua anak ikan patin ini dapat bertahan dengan

cuaca panas ini.

"Biasanya ikan patin ini perlu ditenak selama lebih 4 bulan sebelum dapat dipasarkan," katanya.

Dia berkata, selain cuaca panas, ramai penternak ikan sangkar turut berdepan masalah kenaikan harga makanan ikan yang mencecah RM83 seguni.

Menurutnya, harga makanan ikan yang mahal menyebabkan pengusaha ikan sangkar mengalami kerugian besar apabila ikan di-

ternak mati dalam jumlah besar.

Seorang penternak ikan sangkar di Kampung Rumpun Makmur, Nizam Mohd Tapar, 40, akui cuaca panas menyebabkan hasil ternakan semakin merosot.

Katanya, banyak anak ikan patin ditenak mati dipercayai akibat kekurangan oksigen selain air sungai menjadi panas akibat kemarau melampau.

Dia menjangkakan bekalan ikan patin ke pasaran

akan terjejas dalam beberapa bulan akan datang susulan kejadian yang berlaku ini.

"Cuaca panas ketika turut menyebabkan pembebaran ikan patin ditenak terbantut.

"Ikan patin berusia enam bulan sepatutnya mampu mencapai berat 1.2 kilogram.

Namun cuaca panas menyebabkan beratnya hanya sekitar 800 gram sahaja," katanya.